



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs  
Police department

Број: 02-11-4-6072-12/23

Datum: 01.12.2023. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 72. stav (3) tačka a) Zakona o javnim nabavkama („Službeni glasnik Bosne i Hercegovine”, broj 39/14 i 59/22), člana 34. Pravilnika o javnim nabavkama Uprave policije Ministarstva unutrašnjih poslova Kantona Sarajevo („Službene novine KS”, broj: 44/23) i preporuke Komisije za sukcesivnu nabavku usluga servisiranja motornih vozila za potrebe Uprave policije, imenovane Rješenjem broj: 02/5-1-30-1-5198 od 10.07.2023. godine, u postupku javne nabavke usluga servisiranja motornih vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

## **O D L U K U**

### **O DODJELI OKVIRNOG SPORAZUMA DRUGORANGIRANOM PONUĐAČU ZA LOT 1**

#### **I**

Poništava se i stavlja van snage Odluka o izboru najpovoljnijeg ponuđača i dodjeli okvirnog sporazuma broj: 02-11-4-6072-9/23 od 06.11.2023. godine za nabavku usluga servisiranja motornih vozila za potrebe Uprave policije Ministarstva unutrašnjih poslova Kantona Sarajevo, u dijelu koji se odnosi na LOT 1, kojom je okvirni sporazum dodijeljen ponuđaču GUMA M d.o.o. Mostar.

#### **II**

Nakon što prvorangirani ponuđač nije, u ostavljenom roku, dostavio dokumente koji se odnose na član 45. stav (2) tačka od a) do d), na osnovu člana 72. stav (3) tačka a) Zakona o javnim nabavkama („Službeni glasnik Bosne i Hercegovine”, broj 39/14 i 59/22) u postupku javne nabavke usluga provedenog putem otvorenog postupka – nabavka usluga servisiranja motornih vozila za potrebe Uprave policije Ministarstva unutrašnjih poslova Kantona Sarajevo, dodjeljuje se okvirni sporazum drugorangiranom ponuđaču:

- DRR Auto d.o.o. Kiseljak i to za:
- ✓ LOT 1 - Servisiranje motornih vozila marke Renault za ponuđenu cijenu od 8.690,00 KM bez PDV-a.

#### **III**

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru i dodjeli okvirnog sporazuma drugorangiranom ponuđaču. Prijedlog okvirnog sporazuma o nabavci dostavit će se na potpis izabranom ponuđaču DRR Auto d.o.o. Kiseljak po isteku zakonom predviđenog roka od dana od kada su svi ponuđači obaviješteni o izboru i dodjeli okvirnog sporazuma drugorangiranom ponuđaču.

#### IV

Izabrani ponuđač DRR Auto d.o.o. Kiseljak za LOT 1 je u cilju dokazivanja uslova lične sposobnosti, dana 17.11.2023. godine dostavio tražene dokumente navedene u tački 12. tenderske dokumentacije, a koji se odnose na član 45. stav (2) tačka od a) do d) Zakona o javnim nabavkama BiH, za druge LOT-ove u ovom postupku nabavke, za koje su mu dodijeljeni okvirni sporazumi, čime se oslobađa obaveze naknadnog dostavljanja istih.

#### V

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

#### Obrazloženje

Na osnovu Odluke broj: 02-11-4-6072/23 od 25.08.2023. godine i Obavještenja o nabavci broj: 16475-1-1-98-3-117/23 od 28.08.2023. godine, proveden je otvoreni postupak javne nabavke usluga servisiranja motornih vozila za potrebe Uprave policije Ministarstva unutrašnjih poslova Kantona Sarajevo, uz primjenu e-aukcije, s namjerom zaključivanja okvirnog sporazuma na period od 24 mjeseca.

Prema Zapisniku sa otvaranja ponuda, broj: 02-11-4-6072/23 od 16.10.2023. godine za aktivno učešće u postupku dostavljene su ponude ponuđača za:

- LOT 1 - Servisiranje motornih vozila marke Renault – DRR Auto d.o.o. Kiseljak i GUMA M d.o.o. Mostar.

U pristiglim ponudama Komisija je prilikom pregleda i ocjene ponuda utvrdila i postojanje računskih grešaka kako slijedi:

- Ukupni iznos u ponudi ponuđača GUMA M d.o.o. Mostar za LOT 1, nakon ispravljanja računске greške, treba da iznosi 15.519,37 KM umjesto pogrešno upisanih 15.519,16 (razlika 0,21 KM).

Komisija za sukcesivnu nabavku usluga servisiranja motornih vozila za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-6072-7/23 od 02.11.2023. godine, kojim je utvrdila slijedeće:

- da ponude ponuđača GUMA M d.o.o. Mostar i DRR Auto d.o.o. Kiseljak za LOT 1 sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju “najniža cijena” ispunjavaju sve zahtjeve Ugovornog organa.

Nakon ovoga stekli su se uslovi za zakazivanje e-aukcije.

E-aukcija, održana je 31.10.2023. godine, u razdoblju od:

- 10.00 do 10.20 sati za LOT 1.

Postupajući u skladu sa članom 3., te članom 4. stav (6) Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive.

Nakon završetka e-aukcije Ugovorni organ je dobio Izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

U toku e-aukcije došlo je do smanjivanja cijena i podnošenja novih ponuda za LOT 1.

Nakon čega je Komisija sačinila konačan Zapisnik o pregledu i ocjeni ponuda broj: 02-11-4-6072-7/23 od 02.11.2023. godine sa preporukom o donošenju odluke o dodjeli okvirnog sporazuma.

Ugovorni organ je prihvatio ponudu prvorangiranog ponuđača GUMA M d.o.o. Mostar sa konačnom cijenom za:

---

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: [sektor.matfin@mup.ks.gov.ba](mailto:sektor.matfin@mup.ks.gov.ba)

- LOT 1 – Servisiranje motornih vozila marke Renault u iznosu od 8.650,00 KM bez PDV-a.

Donesena je odluka o izboru najpovoljnijeg ponuđača i dodjeli okvirnog sporazuma broj: 02-11-4-6072-9/23 od 06.11.2023. godine i zajedno sa Zapisnikom o pregledu i ocjeni ponuda broj 02-11-4-6072-7/23 od 02.11.2023. godine dostavljena svim ponuđačima u ovom postupku javne nabavke.

Nakon što prvorangirani ponuđač nije, u ostavljenom krajnjem roku, dostavio u skladu sa članom IV odluke o izboru najpovoljnijeg ponuđača i dodjeli okvirnog sporazuma broj: 02-11-4-6072-9/23 od 06.11.2023. godine dokumente koji se odnose na član 45. stav (2) tačka od a) do d) u originalu ili ovjerenoj kopiji i ne starije od 3 mjeseca, računajući od momenta predaje ponude, u postupku javne nabavke usluga provedenog putem otvorenog postupka – nabavka usluga servisiranja motornih vozila LOT 1, ugovorni organ je postupio u skladu sa članom 72. stav (3) tačka a) Zakona o javnim nabavkama („Službeni glasnik BiH“, broj: 39/14 i 59/22) i donio odluku o dodjeli okvirnog sporazuma drugorangiranom ponuđaču DRR Auto d.o.o. Kiseljak.

U postupku donošenja ove odluke je utvrđeno da je Komisija u svemu pravilno postupila te da je preporuka o dodjeli okvirnog sporazuma drugorangiranom ponuđaču data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 72. stav (3) tačka a) Zakona o javnim nabavkama („Službeni glasnik BiH“, broj: 39/14 i 59/22), Zapisnikom o ponovnom pregledu i ocjeni ponuda i Izvještajem o toku i završetku e-aukcije riješeno je kao u dispozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14 i 59/22).



**POLICIJSKI KOMESAR**  
**Generalni inspektor policije**

**Fatmir Hajdarević**

**Dostaviti:**

1. Komisiji za sukcesivnu nabavku usluga servisiranja motornih vozila
2. Ponuđaču x2
3. Odjeljenju za odnose s javnošću, radi objave na web stranici ovog organa
4. a/a